

RECORDANDO E TEMPO GLORIOSO DI BUBU "EL GENERAL" BISLICK..

Texto : Poets.

DEN AMBIENTE

**** Awenochi lo ta e gran anochi dedica na Aruba su incomparable cantante di mariachi, Bubu "El General" Bislick, cual lo inicia pa 8:30 pm den City One. Ta na su lugar pa awenochi tur e gran amantenan di musica ranchera bin na boshi pa duna Bubu Bislick su merecido homenahe, kende den cinco ocasion a logra di conquista e maximo titulo durante e festivalnan Ranchera Antillano...**



**** E foto aki ta trese grato recuerdonan di e prome trofeo cu Bubu a logra durante e Festival Mariachi Antillas na aña 1979 cual a ser realiza den Holiday Inn Hotel na Corsow...**

**** Bubu durante un show di mariachi den Connie Francis na Sta. Cruz acompaña pa Mariachi Nacional..**



**** Aki tabata e momento cu e conocido presentador y empresario Robby Schouten durante un show tabata declara cu e lo bay hiba Bubu na Hulanda..**



**** Bubu como hurado hunto cu Frank Jeand'or durante e festival di mariachi den Centro di Bario Brazil..**



**** Bubu cu e cancion "El General" ta ser acompaña pa Mariachi Perla Aruba durante e prome Festival Ranchera di Aruba...**



**** Na final di e prome Festival Ranchera Aruba, por aprecia e momento emocionante cu Bertha Wolff, Vale Croes, Mirtha Bislick y Bubu Bislick ta sperando e resultado for di e presidente di hurado Totty Arends, kende alfinal a anuncia Bubu como maximo ganador..**



**** Durante un programa especial na Tele Aruba como promocion pa e prome festival Ranchera di Aruba..**

"BINOMIO DE ORO DE AMERICA"...PASCO ANOCHI NA ARUBA...

Fotos/texto:Poets

DEN AMBIENTE

** Ayera a yega Aruba Rafael Romero, ruman homber di e famoso acordeonista Israel "El Pollo" Romero di "BINOMIO DE ORO DE AMERICA", pa asina concretisa y confirma e uncio presentacion di "Binomio de Oro" na Aruba, cual lo ta Pasco anochi den Caiquetio Entertainment Center.

For di diamars ultimo Dj Ivo Yanez a los e bom aki como uno di fula tera durante su programa na Canal 90 y den un forma increíble el a haya e reaccionnan sumamente positivo cu e desicion a ser tuma pa trese e grupo di vallenato mas popular y respeta na


Aruba.

Pa e motibo aki tambe Rafael Romero ta na Aruba, pa asina alaves tambe realiza e promocion di e ultimo produccion "BINOMIO DE ORO DE AMERICA 2.000", cual ta aparece e super hit di momento "Un Osito Dormilon", cual hit actualmente a conquista e curasonnan di Aruba, pero den un forma increíble.

For di tempo cu e cantante joven Jean Carlos Centeno a drenta den "Binomio de Oro", el a sa di pega varios hitnan grandi manera e.o: "Amigo de Corason", cual e aña aki a resulta den un super hit.

Despues di e fayecimento di e inolvidable cantante Rafael Oroscó (q.e.d.), cu tabata un golpi duro pa "Binomio de Oro de America", actualmente un biaha mas nan ta den nan pleno gloria di exito cu nan exitoso produccionnan.

Actualmente "Binomio de Oro de America" ta forma pa e jovenan estreya, Jean Carlo Senteno (vocalista), Jorge Celedón (vocalista), Jose Fernando "El Morr" Romero (acordeonista) y e extraordinario acordeonista Israel Romero. Tur cos ta muestra cu e unico presentacion di "Binomio de Oro de America", Pasco anochi aki na Aruba lo bay ta un exito grandi.



** Aki por aprecia Rafael Romero di "Binomio de Oro de America", kende hunto cu Ivo Yanez a realiza un bishita serca DEN AMBIENTE..

Otro siman den Cas di Cultura..

PIEREWIETJE Y FLASH LO PRESENTA NAN SHOW "FIESTA FINAL 20 AÑA.."



** Otro siman diabierna e popularisimo grupo infantil/juvenil, "PIEREWIETJE y FLASH" lo bay presenta nan tradicional show di fin di aña cual e biaha aki lo hiba e titulo "FIESTA FINAL 20 AÑA".

E aña aki e tremendo grupo aki a cumpli 20 aña di existencia y nan a sa di celebra esaki conhuntamente cu e pueblo di Aruba den un fabuloso show di celebracion, cual a resulta den un super exito.

Pa e motibo aki tambe, ketu bay "Pierewietje y Flash" ta den celebracion y e final lo bay ta cu e tres shownan cu nan lo bay presenta diabierna dia 4-diasabra 5 y diadomingo 6 di december den Cas di Cultura. E shownan di diabierna y diasabra lo ta pa 7:30 pm, mientras esun di diadomingo lo ta pa 4'or di atardi.

DEN AMBIENTE tabata presente na e ensayo y mester bisa cu a keda sumamente impresiona pa e fabuloso show di baile cu e grupo aki lo bay deleita e pueblo di Aruba. Ta algo cu sin duda nos muchanan no por bay perde...

IMPRESIONANTE BAUTISO CD.."ATA..ATE..QUA-SI"....


** Diasabra ultimo den un Hit & Run bon bishita, orquesta Qua-Si a bautisa nan exitoso CD "Ate..Ata..Qua-Si", den un forma simpel pero toch impresionante. E forma simpel tabata cu no a uza champagne, pero e biaha aki PEPSI COLA como muestra di aprecio y gratitud na e compania aki cu semper a sa di

coopera cu Qua-Si.

Pa e ocasion aki a toca honor pa e popular comerciante/farandulero Egbert Frigerio kende ta propietario di Zapp Music fungi como Padrino, mientras cu Maria Punsellie a ricibi e honor di fungi como Madrina di e CD. Despues di e impresionante acto aki, Qua-Si a los tur su cancionnan for di e

CD aki den style di concierto bailable, pa cual e bailadornan presente a hit e pista di baile den un forma di bao pali tamarijn.

Tambe e gaynan cadushi di DREAM a duna un tremendo presentacion, cu a hasi e anochi aki den un super anochi bailable.



** Aki por aprecia e momento impresionante di e acto di bautismo, na unda e Padrino Egbert Frigerio ta basha e PEPSI COLA riba e CD cu ta den mannan di e Madrina Maria Punsellie, cual a ser efectua den presencia di integrantenan cu Carmicheal Bikker como MC..

Mayan anochi den Tropicana showroom...

ELECCION REINA TURISMO CARNAVAL 45..

....Cu presentacion di e popular artista Charlie Zaa...

Foto/texto :Poets

DEN AMBIENTE



** Mayan anochi iniciando pa 9'or pm den e elegante ballroom di Tropicana showroom, Aruba lo bay goza di un tremendo show varia, na unda lo bay eligi Reina Turismo Carnaval 45, kende lo bay representa e sector turismo den Carnaval 45.

Durante e eleccion lo bay participa un total di nueve candidata atractivo, kendenan ta sumamente entusiasmo pa e eleccion. E nueve candidatanan cu lo bay participa ta como lo siguiente: 1) Rhoda

Barton, 2) Zulay van der Biezen, 3) Zuleika Coffee, 4) Chanella Alleyne, 5) Denisse Ballinga, 6) Marianelly Orlin, 7) Eugénine Cecilia, 8) Shannon Henriquez, 9) Lissette Kock.

Pa loko ta trata e espectáculo cu lo bay dora e eleccion aki, esaki lo bay ta algo unico presenta pa prome biaha aki na Aruba. E candidatanan lo ser acompaña pa e Ballet Folklórico Nacional di Aruba, forma pa e alumnonan di EPB Hato bao direccion di e maestro Willman Aristizabal. Mientras e artistanan cu lo bay sacudi e sala ta nada mas y menos, C-Zar Olarte y Nando Chirino di Aruba y for di Colombia e popularísimo cantante Charlie Zaa.

Tambe lo ta presente un gran cantidad di invitadonan entrenan prensa internacional. E anochi cu ta pinta di bay bira uno sumamente espectacular ta ser organiza pa e incansable comision di Turismo Carnaval 45.

Pa loko ta trata e interes pa e anochi aki, DEN AMBIENTE por a compronde cu e caarchinan ta bayendo manera pasteche cayente y ainda tin algun obtenible na AHATA y ZAPP Music..

MARIACHI LIRIOS DEL CAMPO CU UN TREMENDISIMO CD "BAN GRADICE"..



** Actualmente e CD nobo di Mariachi Lirios del Campo titula "Ban Gradicie", ta cosechando un éxito grandi, asina DEN AMBIENTE por a compronde for di Vicente Tromp, kende cu hopi satisfaccion a declara cu e produccion aki su benta ta bayendo super bon, te cu hasta e mester bolbe hasi un otro pedida. Ta trata aki di un bunita produccion di Gospel cu Mariachi Lirios del Campo a graba, cual tabata un peticion for di hopi religioso

cu a aserca nan.

Cu esaki Mariachi Lirios del Campo kier a demostra cu no ta solamente musica mundando so nan por toca, pero tambe cancionnan religioso. Esaki ta duna Mariachi Lirios del Campo hopi perseveranza pa sigui pa dilanti.

Riba e CD ta aparece 10 cancion: 1) "Si Cristo no cambia bo bida", 2) "Grandi Bo Ta", 3) Rumannan Tur Bin Canta", 4) Oh Mi Kier Bisa Bo", 5) "Den Tur Principe", 6) "Mi

Tin Un Fe", 7) "Ami Ta Rey", 8) "Ban Gradicie", 9) "Orasolem" y e ultimo un dande "Bendishon di fin di aña".

Mariachi Lirios del Campo kier a yama un danki na tur esnan cu a encurasha nan y nan ta spera cu henter e pueblo lo cumpra e CD aki, pa asina hasi nan coleccion mas bunita y completo y cu DIOS Bendiciona henter e pueblonan di tur Pais..

Pa e gran anochi dedica na Bubu "El General" Bislick...

MARIACHI LIRIOS DEL CAMPO A ENSAYA UN REPERTORIO SUPER SPECIAL..



** Pa e gran anochi dedica na Bubu "El General" Bislick, cual lo bay tuma lugar awenochi den City One, Mariachi Lirios del Campo mirando cu aki ta trata di un gran cantante Arubiano cu a marca historia pa Aruba den e mundo di mariachi, a tuma esaki hopi na serio y durante siman a hiba un ensayo te den oranan laat di anochi, pa asina presenta cu un repertorio super special na honor di e gran cantante Bubu Bislick. Tambe por a compronde cu nan lo acompaña Bertha Wolff kende ta e maximo ganador di Festival Ranchera Aruba 1998. Vicente Tromp a declara na DEN AMBIENTE cu nan lo baha den un concierto hamas visto presenta aki na Aruba..

Awenochi lo ta un gran anochi di Mariachi den City One...


E FANTASTICO DUO BONERIANO "MAMITA Y CALIXTO" LO PRESENTA NAN EXITOSO CD "AMOR ES AMAR"..

** Porfin awenochi den City One durante e gran anochi di Mariachi cual lo ser dedica na e incomparable cantante di mariachi di tur tempo, Bubu "El General" Bislick, Aruba lo bay sera conoci y alaves disfruta di e tremendo duo Boneriano, "MAMITA y CALIXTO", kendenan pa prome biaha aki na Aruba lo bay presenta nan exitoso CD "Amor es Amar".

E tremendo duo aki a uni cu otro na aña 1993, despues cu Mamita y Calixto tabata conoce otro pa hopi aña. Nan tabata topa cu otro durante festivalnan Mexicano tanto na Boneiro como esnan Antiano. Semper Mamita tabata un idolo di Calixto, kende e tabata gusta tende canta.

Na aña 1993 Calixto a aserca Mamita pa participa den duo pa e festival Mexicano Boneriano, den cual nan a participa cu e cancion "Amor es Amar" y a sali ganador absoluto.

Na aña 1994 un biaha mas nan a bolbe participa como duo den e festival di Mariachi cu e cancion "Si Algun Dia", den cual nan a



sali prome finalista.

Calixto alaves for di aña 1991 a forma un trio bao di e nomber Los Principes, cual te awe ta actuando exitosamente den hotelnan. Pa motibo cu un integrante mester a viaha pa Hulanda, Calixto a aserca Mamita pa forma part di e Trio.

E aña aki e conocido empresario Nico de Haan a produci e produccion "Amor es Amar" hunto cu

Mamita y Calixto, cual a resulta den un éxito sin presedente.

Awenochi ta un honor y placer pa Mamita y Calixto presenta pa prome biaha nan produccion dilanti e publico Arubiano, cual semper tabata nan deseo. Tambe pa Mamita y Calixto ta mas cu un honor pa presenta den un anochi di Mariachi asina importante dedica na e incomparable Bubu "El General" Bislick..

Fotos y Texto: Jan Poets.

DEN AMBIENTE

Caarchinan pa dialuna ta den SOLD OUT!!..

ESPECTATIVANAN TA GRANDI PA E "TWO MAN SHOW" DI VALE CROES Y PACHI DAMON..

** Espectativanan ta sumamente grandi pa e "Two Man Show" presenta pa prome biaha den historia aki na Aruba entre e dos mihor comediantenan di Aruba y Antillas, esta Vale Croes di Aruba y Pachi Damon di Corsow.

Na Corsow e show aki a resulta den un exito rotundo cu nueve sala sold out, mientras tur cos ta muestra cu e tres unico funcionnan tambe lo bay ta e caso. Ya caba practicamente e prome anochi cu ta dialuna awor ta den sold out, mientras esnan di diamars y diaranson lo bay ta e mesun caso na momento cu esnan cu presencia esun di dialuna lo bay transmiti con tremendo e "Two Man Show" aki ta.

Naturalmente e ora ey tur hende kier core cumpra nan caarchi y kizas esaki por resulta nan mala suerte cu NO tin mas. Ta pesey mes ta recomenda pa sigur bo caarchi cual ta obtenible na Dowco tanto na Cura Cabay, Sta. Cruz y Playa, mientras cu tambe por haya na Galeria Moderna y Manon Atelier den Centro Comercial Noord.

Espectativanan ta muestra cu awe cual mayoria hende no ta traha, e caarchinan lo bay manera pan cayente..

VALE CROES A SER BENDICIONA CU UN PRECIOSO PRINCENCITA...



Diasabra dia 19 di december proximo...

CHICHI PERALTA Y SON FAMILIA LO HABRI E LUHOSO NIGHT CLUB MR. BABILIA..



** Manera DEN AMBIENTE a relata siman pasa den caracter di primicia y exclusivo, cu e fenomenal orquesta musical CHICHI PERALTA y SON FAMILIA lo ta na Aruba dia 19 di december proximo. Informacion cu a drenta ta indica cu Chichi Peralta a ricibi e honor pa habri e luhoso night club MR. BABILIA. Por a compronde cu e capacidad lo ta masha limita y muy pronto e campaña di promocion lo bay ranca sali.

Mientrastanto cu diaranson ultimo DEN AMBIENTE tabatin contacto telefonico cu Chichi Peralta na Miami, y a declara na DEN AMBIENTE cu net e ta saliendo pa Madrid, Spanja, na unda e lo realiza bishitanan di promocion na varios medionan di comunicacion y alaves firma un contrato pa varios presentacionnan cu lo bay tuma lugar durante e ultimo dianan di fin di aña. Alaves tambe a hasi un invitacion na DEN AMBIENTE pa realiza e viahe aki hunto cu nan, pa asina cubri e gira na Spanja. Pues aña 1999 lo bay habri DEN AMBIENTE na SPANJA..

** Dialuna ultimo e popular comediante Vale Croes a ser bendiciona cu un precioso princencita, kende a ser bendiciona bao di e number QUINTESSA TIARA CROES. Su peso tabata 3910 kg y su dokter tabata Dr. Bryson.


Vale Croes a declara na DEN AMBIENTE cu awor el a haya mucho mas forza pa enfrenta Pachi Damon otro siman den Cas di Cultura, na unda nan lo bolbe topa cu otro den un batalla di "Two Man Show".

Riba foto por aprecia e precioso princencita Quintessa Tiara Croes den braza di su feliz Mama Lourdes y su papetje Vale Croes. Pabien na e feliz pareha y cu bon Dios lo sa di drama su Bendicion riba e precioso princencita Quintessa Croes...

ESPECTACULAR SHOW DI WINTER WONDERLAND..

Fotos/texto: Jan Poets.

DEN AMBIENTE



** Fin di siman pasa den Cas di Cultura, nos muchanan den compania di nan mayornan a disfruta sin fin di e tremendo show "Winter Wonderland", cual a ser presenta pa e grupo juvenil "Cos di Mucha & Teens". Impresionante tabata e bunita escenario cu a ser traha den forma di un Misa y combina cu e efectonan di luznan colorido, huma y estreyanan, a transforma e sala di Cas di Cultura den un berdadero ambiente di "Winter Wonderland". Cada bez cu Quincy Hasham a presenta riba escenario, el a sa di ranca e aplauso for di e publico, demostrando su talento extraordinario como showman. Debi cu e show aki a ser presenta den un forma "live", varios biaha e sonido tabata feedback, cual na dado momento a irita e publico. DEN AMBIENTE ta spera cu pa proximo biaha esaki lo no ta e caso mas. Fotoñan di DEN AMBIENTE ta ilustra con bunita e show aki a ser